

UPRAVNI ODBOR

Uspostavljen Zakonom o sistemu indirektnog oporezivanja
u Bosni i Hercegovini

Na osnovu člana 14. Zakona o sistemu indirektnog oporezivanja BiH ("Službeni glasnik BiH", br. 44/03 i 52/04), a u vezi sa članom 12. i 13. Zakona o uplatama na jedinstveni račun i raspodjeli prihoda ("Službeni glasnik BiH", broj 55/04), Upravni odbor Uprave za indirektno oporezivanje, na 73. sjednici održanoj 22.12.2006. godine, donio je:

ODLUKU

O RASPODJELI PRIHODA IZ INDIREKTOG OPOREZIVANJA SA JEDINSTVENOG RAČUNA ZA DECEMBAR 2006. I JANUAR 2007. I PRELIMINARNOM REBALANSIRANJU ZA PERIOD JANUAR-SEPTEMBAR 2006.

Član 1.

Rezerve, budžet Bosne i Hercegovine i servisiranje stranog duga

Prihodi od indirektnog oporezivanja prikupljeni u Jedinstveni račun Uprave za indirektno oporezivanje u decembru 2006. godini raspodjeljuju se na sljedeći način:

- i) na račun rezervi – 10% prikupljenih prihoda;
- ii) za budžet Bosne i Hercegovine, za finansiranje institucija Bosne i Hercegovine, na osnovu budžeta za 2006. godinu, u iznosu od 2.202,334 KM.
- iii) za servisiranje stranog duga u iznosu dospjelih obaveza, odbijanjem od udjela Federacije Bosne i Hercegovine i Republike Srpske, i direktnim uplatama u budžet Bosne i Hercegovine, u skladu s metodom raspodjele utvrđenim u članu 2. i 3. ove Odluke.

Član 2.

Koeficijenti rebalansa

Privremeno rebalansiranje za period od 1. januara 2006. do zaključno sa 30. septembrom 2006. godine bit će zasnovano na podacima dobivenim iz kabineta direktora Uprave za indirektno oporezivanje dana 7. decembra 2006. godine koji prikazuju krajnje pokazatelje o potrošnji dostupne na dan 7. decembra 2006. godine, kako je prikazano u trećoj koloni tabele dalje u tekstu.

	Kumulativni koeficijenti korišteni za raspodjelu prihoda u periodu 1. januar 2006. –30. septembar 2006.	Kumulativni koeficijenti privremene pripadnosti prihoda na osnovu PDV-a za period 1. januara do zaključno sa 30. septembrom 2006. sa stanjem na dan 7. decembra 2006.	Razlika
FBiH	65.92%	65.3633%	-0.5567%
RS	30.68%	30.9507%	0.2707%
BD	3.40	3.6860%	0.2860%

Poređenje dodijeljenih prihoda sa privremenim pripadnostima prihoda prikazano u prethodnoj tabeli pokazuje da je Federacija BiH primila višak prihoda u iznosu od 13.553.374,39 KM.

Direktor Uprave za indirektno oporezivanje će odbiti iznos od 13.553.374,39KM od iznosa pripadnosti prihoda Federacije Bosne i Hercegovine za decembar 2006. godine, i prenijeti iznos od 6.590.440,89KM na Republiku Srpsku i iznos od 6.962.933,48 KM na Brčko Distrikt.

Član 3.

Prijelazni koeficijenti raspodjele za decembar 2006. i januar 2007.

Prijelazni koeficijenti raspodjele za raspodjelu prihoda u decembru 2006. i januaru 2007. zasnovano na pokazateljima o prikupljenom PDV-u za septembar 2006. kako je prikazano u podacima dobivenim iz kabineta direktora Uprave za indirektno oporezivanje dana 7. decembra 2006. godine koji prikazuju krajnje pokazatelje o potrošnji dostupne na dan 7. decembra 2006. godine, iznose :

Federacija BiH: 64.7967 %

Republika Srpska: 31.5142%

Brčko Distrikt: 3.6891%

Član 4.

Konačno poravnanje

UO UIO će donijeti Odluku o konačnom poravnanju za 2006. godinu u martu mjesecu 2007. godine nakon izvršenih kontrola i revizije.

Član 5.

Stupanje na snagu

Ova odluka stupa na snagu danom donošenja i bit će objavljena u „Službenom glasniku Bosne i Hercegovine“.

Sarajevo, 22.12.2006. godine

Odluka UO-UO 2212/62/06

**Zamjenik predsjedavajućeg UO UIO
Aleksandar Džombić**